

Պետական հավատարմագրում

ՀՀ ԱԻՆ «Ճգնաժամային կառավարման պետական ակադեմիա» պետական ոչ առևտրային կազմակերպությանը «Մասնագիտական կրթության որակի ապահովման ազգային կենտրոն» հիմնադրամի հավատարմագրման հանձնաժողովի 2017 թվականի հոկտեմբերի 20-ի թիվ 23 որոշմամբ շնորհվել է պայմանական ինստիտուցիոնալ հավատարմագրում 2 տարի ժամկետով՝ պետական հավատարմագրման վկայական No 20:



N 47(695) 15-21.12 2017



ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ ՊԱՇՏՊԱՆՈՒԹՅԱՆ ՄԻՆԻՍՏԵՐՍՏՎՈ ՍԵՐՎԻՍԻ ՍԵՐՎԻՍԻ

ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ ՊԱՇՏՊԱՆՈՒԹՅԱՆ ՄԻՆԻՍՏԵՐՍՏՎՈ ՍԵՐՎԻՍԻ ՍԵՐՎԻՍԻ

911

Արտակարգ ծախսեր

ՀՀ ԱԻՆ-ՌԴ ԱԻՆ ԳՈՐԾԱԿՑԱՅԻՆ ՊԼԱՆ

ՀՀ ԱԻՆ-ի ՌԴ անվտանգության դաշնային ծառայության սահմանափակ վարչության միջև ստորագրվել է համագործակցության պլան, որով նախատեսված է ապահովել բնական և մարդածին արտակարգ իրավիճակներ

ի ծագման կամ ծագման վտանգների մասին ազդարարում և տեղեկատվության փոխանակում, համատեղ ուսումնասիրությունների անցկացում, վթարավերականգնողական փրկարարական աշխատանքների կազմակերպում և արտակարգ իրավիճակներում տուժածների կենսագործունեության ապահովման միջոցառումների իրականացում:

Շարունակությունը՝ տես էջ 2



Չորրորդ ՆՈՐ ՀԱՄԱԼՐՈՒՄ

Դեկտեմբերի 13-ին Հայաստանի Կոտայքի մարզի Գետարգել համայնքում գտնվող «Հայ-ռուսական մարդասիրական արձագանքման կենտրոնը» Ռուսաստանից փրկարարական գույքի չորրորդ խմբաքանակը ստացավ: Առաջինը այս տարվա մայիսին էր (փրկարարական գործիքներ, տարբեր հզորությամբ հոսանքի գեներատորներ, մոտոպոմպեր և այլն), երկրորդը՝ հոկտեմբերին (ամենագնաց-կվադրոցիկներ), երրորդը՝ նոյեմբերին (մոտորանավակներ, ջրատուգակներ և սակրավորներին անհրաժեշտ հատուկ գույքով մեքենաներ, լուսավորության աշտարակներ, գեներատորներ, պոմպեր, շնչառական սարքեր, որոնողական սարքեր, ծածկոցներ, ծալովի մահճակալներ): Չորրորդ խմբաքանակ՝ 4 տոննա տարողությամբ ջրային բաթով «Կամազ» մակնիշի ամենագնաց հրշեջ-փրկարարական մեքենաներ, շենք-շինությունների ամրությունը ստուգող, սեյսմիկ ռիսկը գնահատող համալիր, ինժեներական և

վթարափրկարարական վերապատրաստման գույք համապատասխան լսարանների համար, կենտրոնում կառուցվելիք ճգնաժամային կառավարման կենտրոնի համար սարքավորումներ, ջրափրկարարական հանդերձանք և այլն: «Հայ-ռուսական մարդասիրական արձագանքման կենտրոնը» բացվել է 2016 թվականի մարտի 18-ին՝ ի կատարումն հայ-ռուսական միջկառավարական «Արդյունաբերական վթարների, տարերային աղետների կանխման և դրանց հետևանքների վերացման բնագավառում համագործակցության մասին» համաձայնագրի: Նպատակն է՝ արտակարգ իրավիճակների կանխարգելման, դրանց հետևանքների վերացմանն ուղղված հնարավորությունների և մեխանիզմների զարգացումն ու հզորացումը, տարածաշրջանային համագործակցության զարգացումը, բնակչության պաշտպանվածության և տարա-

ծաշրջանում տեղի ունեցած արտակարգ դեպքերին օպերատիվ արձագանքման մակարդակի բարձրացումը: Հայկական կողմը նորոգել-բարելավել է 17,5 հա մակերեսով տարածք, շենք-շինություններ: Ռուսական կողմը պարտավորվել է ապահովել կենտրոնի տեխնիկական համալրումը: Մինչև տարեվերջ կենտրոնում պատրաստ ու հատուկ տեխնիկայով և գույքով կահավորված կլինի վերապատրաստման երկու լսարան՝ ճարտարագիտական և փրկարարական: «Հայ-ռուսական մարդասիրական արձագանքման կենտրոնում» մեկ սեյսմիկ կկահավորվի ու կդառնա ճգնաժամային կառավարման կենտրոն Հայաստանի և Ռուսաստանի ճգնաժամային կառավարման ազգային կենտրոնների հետ մշտական կապով: Բացի գույքային օժանդակությունից, կենտրոնը ՀՀ ԱԻ նախարարության հետ համատեղ Հայաս-

տանի տարածքի ռիսկերի գնահատում է իրականացնելու: Նշենք, որ «Հայ-ռուսական մարդասիրական արձագանքման կենտրոնը» արձագանքում չի իրականացնում, օգնում է փրկարար ծառայության ուժերին և տեխնիկատրամադրում կախված արտակարգ իրավիճակի բնույթից: Կենտրոնի գույքն արդեն քանիցս օգտագործվել է տարբեր արտակարգ իրավիճակներում: Օրինակ, այս ամռանը անտառային հրդեհների ժամանակ բարձրեռանային և դժվար հասանելի վայրերում տեղադրվել են կենտրոնի տրամադրության տակ եղած 1500 լ տարողությամբ ավազաններն ու ջուր մատակարարել հրշեջներին: «Հայ-ռուսական մարդասիրական արձագանքման կենտրոնի» գույքային համալրումը շարունակական է լինելու: Անցկացվելու են նաև վերապատրաստման դասընթացներ թե՛ Հայաստանի և թե՛ Ռուսաստանի մասնագիտական կառույցներում: ■

Կարևոր

ՄԵԿ ՍՈՒՆՈՐԱԿ



էջ 2

ԲԱՔՈՒ-ԳՅՈՒՄՐԻ ՕՂԱՆԱԿԻ ԿՈՐԾԱՆՈՒՄԸ



էջ 3

ՄՊԻՏԱԿԻ ՀՓՅ-Ի ՀՐԱՄԱՆԱՏԱՐԸ



էջ 4

ԱՇԽԱՐՀԻԿ ՍՈՒՆՈՐԱԿ - ԿԱՐԿԱՍ



էջ 6



Բարձր ցուցանիշներով

ՀՀ կառավարության գործունեությունն ուղղված է աղքատության մակարդակի նվազեցմանը: Այդ մասին ասել է վարչապետ Կարեն Կարապետյանը: «Դուք հաստատ տեսնելու եք՝ ինչպես ենք այդ ցուցանիշը կառավարելու և նվազեցնելու: Կառավարության ամբողջ գործունեությունը դրան է ուղղված», - ասել է վարչապետը: Նա հավաստիացրել է՝ գործադիրը տարին ավարտելու է կանխատեսվածից բարձր ցուցանիշներով:

ԳՈՐԾԱԿՑԱՅԻՆ ՊԼԱՆ



Սկիզբը՝ եջ 1

Պլանը մշակվել է 1994-ին կնքված «Հայաստանի Հանրապետության և Ռուսաստանի Դաշնության միջև արդյունաբերական վթարների, տարերային աղետների կանխարգելման և դրան տեղ ուսումնասիրման վերացման ոլորտում համագործակցության մասին» համաձայնագրի հիման վրա:

Պլանը ստորագրել են ՀՀ ԱԻՆ ՓԾ տնօրեն, գեներալ-մայոր Մուշեղ Ղազարյանը և Հայաստանում Ռուսաստանի անվտանգության դաշնային ծառայության սահմանապահ վարչության պետ, գեներալ-լեյտենանտ Անատոլի Միխեևը:

Անդրադառնալով Համագործակցության պլանի բովանդակությանը՝ ՀՀ ԱԻ նախարար Դավիթ Տոնոյանը ընդգծել է, որ տեղեկատվության փոխանակումը, ազդարարումը և համատեղ ուսումնասիրման արդյունքները աղետների համատեղ դիմակայելու գործընթացի հիմնասյունաքարն են:

Համագործակցության պլանի խնդիրներից է նաև քիմիական, կենսաբանական և ճառագայթային վարակների ենթարկված տարածքների բացահայտումը, սանիտարական միջոցառումների, արտակարգ իրավիճակներից հետո վերականգնողական միջոցառումների համատեղ իրականացումը և այլն:

ՄԵԿ ՄՈՒՈՐԱԿ

«Կանաչ տնտեսության» արդյունավետությունը

2015 թվականի դեկտեմբերի 1-12-ը Ֆրանսիայի մայրաքաղաք Փարիզում անցկացվեց Միավորված ազգերի կազմակերպության «Կլիմայի փոփոխության մասին» շրջանակային կոնվենցիային միացած երկրների 21-րդ համաժողովը, որտեղ պետությունները հստակ պարտավորություններ ստանձնեցին. կրճատել ջերմոցային գազերի արտանետումները, զարգացնել վերականգնվող էներգետիկան և անցնել էներգախնայող տեխնոլոգիաների: Ջարգացած երկրները խոստացան տարեկան 100 միլիարդ դոլար ծախսել զարգացող երկրներում նման ծրագրեր իրականացնելու նպատակով: Այս տարվա դեկտեմբերի 12-ին Փարիզում անցկացվել է «Կլիմայի ֆինանսավորման օր»՝ արդեն երրորդ միջազգային հավաքը, որի նպատակը կլիմայի փոփոխությունների դեմ պայքարի համար միջոցներ և աղբյուրներ գտնելն է: Այս հավաքի կարգախոսն էր «Մեկ մոլորակ»: 2015-ի համաժողովին մասնակցում էր 196 երկրի ներկայացուցիչ, որից 150-ը՝ նախագահ և վարչապետ: Այս տարվա հավաքին մասնակցում էր 59 նախագահ և վարչապետ, 39 նախարար, միջազգային կառույցների ղեկավարներ և խոշոր արդյունաբերական ձեռնարկությունների պատասխանատու պաշտոնյաներ. Total, Engie, Michelin, Tesla, Danone, L'Oréal: Մոլորակի ապագայի նկատմամբ հոգատարության կարևորությունը ընդգծելու համար ներկա էին արվեստի և շուռ բիզնեսի ներկայացուցիչներ՝ դերասաններ Մարիոն Կոտիլյարը, Լեոնարդո Դի Կապրիոն, Անուշ Եվալդսենը և այլք:

Փարիզում քննարկվել է չորս թեմա. «Փոխել կլիմայի փոփոխության ոլորտում գործողությունների ծավալը», «Ապահովել կայուն զարգացման օգտին «կանաչ» ներդրումներ», «Արագացնել կլիմայի փոփոխության դեմ



քայլերը տեղական և տարածքային մակարդակներում», «Ուժեղացնել բնապահպանական փոփոխությունների ոլորտում պետական քաղաքականությունը»:

ՄԱԿ-ի գլխավոր քարտուղար Անտոնիո Գուտերիշի խոսքով. «Մարդկությունը պայքարում է մոլորակում կյանքի պահպանման համար և երկու հզոր դաշնակից ունի՝ զիտությունն ու տեխնոլոգիան: «Կանաչ տնտեսություն» ապացուցել է իր արդյունավետությունը: Պետք է ներդրումներ անել հենց այս ոլորտում՝ նոր տեխնոլոգիաներ, վերականգնվող էներգիա»:

Դեկտեմբերի 12-ին Փարիզում ընդունվել է 12 կոնկրետ առաջարկ՝ ուղղված գլոբալ տաքացումից փրկությանը: Ներկայացնելով կարևորները:

Եկող տարվանից Համաշխարհային բանկը չի ֆինանսավորի նավթի և գազի հետախուզական աշխատանքները, իսկ ցանկացած այլ ոլորտի ներդրումային ծրագրի գնահատման պարտադիր բաղադրիչ կդառնա ջերմոցային գազերի, այդ թվում՝ ածխաթթու գազի արտանետումների ծավալը: Ապահովագրական հսկա ֆրանսիական Axa ընկերությունը հայտարարել է, որ չի ֆինանսավորի ածխաջրածիններ արտանետող ծրագրեր: Ընկերությունը հայտարարել է, որ 700 միլիոն եվրո կտա անվտանգ նավ-

թատարներ կառուցելու և 9 միլիարդ «Կանաչ տեխնոլոգիաների» համար:

Ավելի քան 200 խոշոր ներդրող պարտավորվել են ճնշել աշխարհի 100 ամենաշատ աղտոտող ընկերություններին արտանետումների ծավալը նվազեցնելու և «Կանաչ տեխնոլոգիաների» անցնելու նպատակով:

Ֆրանսիական զարգացման գործակալությունը (AFD) խոստացել է Աֆրիկայի 15 երկրի առաջիկա չորս տարում 30 միլիոն եվրո տրամադրել կլիմայի փոփոխության դեմ պայքարի ծրագրերի համար: Բիլ և Մելինդա Գեյթսերը խոստացել են ավելի քան 600 միլիոն դոլար հատկացնել գյուղատնտեսության վրա կլիմայի փոփոխության հետևանքների հետազոտությունների համար:

Կշարունակվի «Կանաչ պարտատոմսերի» կամ «Կլիմայի պարտատոմսերի» թողարկումը: Այս պարտատոմսերի վաճառքից գոյացած գումարներն ուղղվում են ջերմոցային գազերի արտանետումների կրճատման, «Կանաչ տեխնոլոգիաների» ներդրման ծրագրերին: 2016-ին թողարկվել է 90 միլիարդ եվրոյի «Կանաչ պարտատոմս», 2017-ին 125 միլիարդի:

Հրապարակման պատրաստեց Արամ ԶԱՔԱՐՅԱՆԸ

ԱՆԿՏԱՆԳ ԿՐԹՈՒԹՅՈՒՆ

Պաշտոնական վարքագծի ձևավորում՝ խաղերի միջոցով

2012-ից «Սելվի դը չիլդրեն ինթերնեյշնլ» կազմակերպության հայաստանյան ներկայացուցչությունը Հայաստանի տարբեր մարզերում իրականացնում է «Նախաձեռնություն հանուն երեխայի առողջության և կրթության» ծրագիրը: Նպատակն է նպաստել նախադպրոցական և դպրոցական կրթության բարելավմանը: Արդեն իսկ ներդրվել է 98 մլն դրամ:

Ծրագրի համակարգող Մարիա Պողոսյանի խոսքով՝ խորհրդային Միության փլուզումից հետո տեղական ինքնակառավարման մարմինների տնօրինությանը հանձնված մանկապարտեզների մեծ մասը փակվել է: Մի շարք համայնքներ 20 տարուց ավելի նախադպրոցական կրթության հնարավորություն չունեն: Օրինակ, Գեղարքունիքի մարզի Այգուտ համայնքում բնակվող ծնողներն իրենց երեխաներին տանում են Վահանի մանկապարտեզ, որը հեռու է:

«Այն համայնքներում, որտեղ չկա նախադպրոցական ուսումնական որևէ հաստատություն, կառուցում ենք դպրոցահեն նախակրթարաններ 4-6 տարեկան երեխաների

համար: Կազմակերպության կողմից հիմնանորոգվում է 60 քմ մակերեսով մեկ սենյակ և դրան կից սանհանգույցը՝ հարմարեցվելով երեխաների պահանջներին, անցկացվում է աշխատակազմի վերապատրաստում: Այնուհետև նախակրթարանը հանձնվում է դպրոցին», - մանրամասնում է պատասխանատուն:

Նախակրթարան հիմնելու համար պարտադիր պայման է 4-6 տարեկան առնվազն 20-25 երեխայի առկայությունը, բացի դրանից՝ համայնքը պարտավորվում է ապահովել վերանորոգման աշխատանքների 15 տոկոսի ֆինանսավորումը: Ծրագրի առաջին փուլում Արմավիրի և Արագածոտնի մարզերում նորոգվել են որոշ դպրոցների մարզադահլիճներն ու հանդերձարանները, համալրվել է սպորտային գույքը: Երկրորդ փուլով նախակրթարաններ են կառուցվել Լոռու մարզի Արջուտ և Գեղասար, ինչպես նաև Գեղարքունիքի մարզի Դրախտիկ, Այգուտ, Դպրաբակ, Ներքին Գետաշեն, Վարդենիկ, Վարսեր, Վաղաշեն և Գեղարքունիք համայնքներում: «Նախագծային

փուլում որոշ հանգամանքներ են հաշվի առնվել: Օրինակ՝ սողանքային գոտում գտնվող Այգուտի դպրոցի դեպքում նախակրթարանը կառուցել ենք տարրական դասարանների համար նախատեսված մասնաշենքում, որն, ի տարբերություն գաղիվեր լանջին կառուցված մյուս մասնաշենքի, պաշտպանված է միջանցիկ քամիներից և ավելի բարվոք վիճակում է: Մեր բոլոր սենյակները տեղակայված են առաջին հարկում և ունեն առանձին ելք, որպեսզի մանկահասակ երեխաները կարողանան աղետի ժամանակ հեշտությամբ տարիանվել»:

Ծրագրի մյուս առանցքային խնդիրը երեխաների անվտանգությունն ու աղետների ռիսկի նվազեցումն է: Այս նպատակով տարիներ շարունակ սերտ համագործակցություն է հաստատվել փրկարարական կառույցների հետ: Օրերս՝ դեկտեմբերի 13-15-ը, Գեղարքունիքի մարզի Վարսեր, Վաղաշեն և Գեղարքունիք համայնքների դպրոցներում իրականացվել են երկրաշարժի ժամանակ տարիանման թեմայով վարժանքներ



մարզային փրկարարական վարչության հսկողությամբ: Մարիա Պողոսյանը նկատում է՝ թեև երեխաները տեղյակ էին գործողությունների հաջողականությանը, այդուհանդերձ, խուճապից խուսափել չէր: «Երկու փոքրիկներ վախեցել էին կատարվածից և լալիս էին: Ծրագրի նախորդ փուլում մենք մշակել էինք խաղեր երկրաշարժի, հրդեհի և սողանքի ժամանակ ճիշտ վարվելակերպի վերաբերյալ: Հույս ունենք՝ նման խաղերի միջոցով երեխաների մեջ կձևավորվի պաշտպանության հստակ վարքագիծ»:

Ինչ վերաբերում է ավագ դպրոցականներին, ծրագրի համակարգողը հավելում է՝ նախորդ փուլում Հայկական կարմիր խաչի հետ



համագործակցությամբ վարժանքների ժամանակ տրամադրվել էին բժշկական պարագաներով առաջին բուժօգնության պայուսակներ, որոնցից, սակայն, դպրոցականներն օգտվել չէին կարողացել բավարար գիտելիքի բացակայության պատճառով: «Վերջին վարժանքի ժամանակ տուժածին վիրակապելիս երեխան մոռացել էր շտապօգնություն զանգել»:

Այլ բացթողումներ ևս եղել էին, օրինակ՝ արյունահոսության ժամանակ վիրակապ դնելու ժամը ֆիքսելը: Նման հարցերում օգնում են փրկարարների խորհուրդները», - ավարտում է Մարիան:

ԱՆԻ ԱՏՈՆՅԱՆ



Հաշվարկ

Տոն օրերն ու սգո, հիշատակի օրերը միասին տարվա կտրվածքով 20-21 օր են կազմում, այսինքն՝ գրեթե մեկ ամիս ոչ աշխատանքային է: Մեկ ամիս հերթական արձակուրդն էլ գումարելով՝ երկու ամիս է դառնում ոչ աշխատանքային: 11 ամսում, եթե հաշվենք, որ մեկ ամիսը չենք աշխատում, ստեղծում ենք 10,5 մլրդ ՀՆԱ, մեկ ամսվա ՀՆԱ-ն մոտ 900 մլն է: Եթե տոներին ընդամենը 5-6 օր աշխատենք, ՀՆԱ-ի լրացուցիչ՝ մոտ 3-4 տոկոսով ավելացման պահուստային հնարավորություն ենք ունենում:

1988 թ. դեկտեմբերի 11-ի վաղ առավոտյան Գյումրիի օդանավակայանից 15 կմ հեռավորության վրա, վայրէջքից մի քանի րոպե առաջ, բախվելով մոտակա լեռներին, կործանվեց Բաքվից Գյումրի թռչող «ԻԼ-76Մ» ինքնաթիռը:

ԲԱՔՈՒ-ԳՅՈՒՄՐԻ ՕՂԱՆԱՎԻ ԿՈՐԾԱՆՈՒՄԸ 1988-Ի ԴԵԿՏԵՄԲԵՐԻ 11-ԻՆ

Բացահայտում. ինչպե՞ս է դա եղել

69 ուղևորներից և անձնակազմի ինը անդամներից փրկվեց միայն մեկը՝ ազգությամբ ադրբեջանցի Ֆահրադին Բալաևը, որը բախտ էր ունեցել գտնվելու օդանավի պոչի հատվածում տեղավորած բեռնատար ավտոմեքենայի մեջ: Հայաստանի տարածքում սա արձանագրված ամենախոշոր օդային աղետն է, որի մասին Հայաստանում և նրա սահմաններից դուրս հավանաբար քչերն են տեսել:

Սանրամասները կշարադրեն մեկ պարբերությունից, սակայն մինչ այդ բացատրեն, թե ինչու է են միայն այսօր գրեթե երեք տասնամյակ անց անդրադառնում այս պատահարին: Ադրբեջանական CBC (Caspian Broadcasting Company) արբանյակային հեռուստաընկերությունը, որը հեռարձակվում է հիմնականում ռուսերենով (լուրերի թողարկումներ ունի նաև անգլերեն, հայերեն և պարսկերեն), դեկտեմբերի 11-ի երեկոյան հեռարձակեց մի ֆիլմ, որը պատմում էր «ԻԼ-76Մ»-ի կործանման մասին ծայրից ծայր կեղծելով պատմությունը:

Բաքվից Գյումրի թռչող ինքնաթիռի կործանման մասին ժամանակին շատ քիչ է գրվել երկու պատճառով: Առաջին՝ հորհրդային միության տարիներին, անգամ 1988 թ., օդային աղետների մասին ոչ միայն քիչ էին գրում, այլև փորձում էին դրանք թաքցնել հասարակությունից: Երկրորդը և հիմնականը՝ «ԻԼ-76Մ»-ի կործանումը տեղի է ունեցել 1988 թ. դեկտեմբերյան երկրաշարժից ընդամենը չորս օր անց, և, բնականաբար, 25 հազար մարդու կյանք խլան է աղետի խորապատկերին, օդային այս պատահարը չէր կարող համընդհանուր ուշադրություն գրավել:

Ադրբեջանը միայն վերջին տարիներին է քարոզչական նպատակներով մեջտեղ բերել օդանավի կործանման դեպքը, և դա փորձում է օգտագործել ընդդեմ Հայաստանի: Եթե նախկինում ադրբեջանական կողմը խորհրդավոր էր համարում «ԻԼ-76Մ» օդանավի աղետը, ապա այսօր ուղղակի մեղադրում է Հայաստանին և Հայաստանին, թե իբր օդաչուներին միտումնավոր տրվել են ոչ ճիշտ կողողմաններ, ինչի հետևանքով օդանավը բախվել է լեռներին: Իրականությունն այն է, որ օդանավի կործանման պատճառը, ըստ «սև արկղի» և պաշտոնական եզրակացության, եղել է անձնակազմի սխալը: Փորձաքննությունը պարզել է նաև, որ անձնակազմը թռիչքից առաջ չի ունեցել բավարար հանգիստ, իսկ նախորդող օրերին կատարել է մի քանի անընդմեջ չվերթեր:

Ի դեպ, 1988 թ. դեկտեմբերյան այդ օրերին Հայաստանում եղանակային պայմանները եղել են խիստ անբարենպաստ: Այդ օրերին կործանվեց և մեկ ինքնաթիռ, որն օգնության էր գալիս Հարավսլավիայից: Այն ընկավ Էջմիածին և Արմավիր քաղաքների միջև գտնվող դաշտավայրում: Պնդուններ կան, որ կործանումից հրաշքով փրկվել է ԽՍՀՄ առաջնորդ Սիխայիլ Գորբաչովի օդանավը: Գորբաչովը երկրաշարժի օրը Նյու Յորքում էր: Նա դադարեցրեց այցը և ժամանեց աղետի գոտի՝ Գյումրի:

Բաքուն հայտարարում է, թե «ԻԼ-76Մ»-ն ադրբեջանական ինքնաթիռ էր. օգնության էր շտապում աղետյալներին, և «նենգ» հայերը խոցեցին այն: Իրականում օդանավը պատկանում էր ԽՍՀՄ պաշտպանության նախարարությանը Լիտվայի տարածքում տեղակայված ռազմաօդային ուժերին: Օդանավի ողջ անձնակազմը ինը հոգի, ռուսներ էին (ահա նրանց ազգանունները՝ Բրիլյով, Սոկոլով, Ռազունցի, Պլաշկին, Իվլև, Շերկով, Ռիբալչենկո, Ավիլով, Ալտուխով): Ադրբեջանական կողմը շարունակաբար հայտարարում է, թե օդանավում ադրբեջանցիներ էին, ինչը մասամբ է համապատասխանում իրականությանը: Կործանված օդանավի կազմը



բազմազգ էր՝ 50 ադրբեջանցի, 13 լեզգին, 11 ռուս, երկու թաթար, մեկ հայ և մեկ իրեա: Բոլորը ԽՍՀՄ զինված ուժերի պահեստազորի ծառայողներ էին, որոնք Գյումրի էին գալիս փրկարարական աշխատանքներ կատարելու նպատակով: Միակ փրկվածը՝ ադրբեջանցի Ֆահրադին Բալաևը, մահացել է 2010-ին: Ադրբեջանցիները հայտարարում են, թե օդանավի կործանումից հետո Բալաևին Գյումրիում միտումնավոր կերպով օգնություն չի ցուցաբերվել, մինչդեռ իրականությունն այն է, որ Գյումրիից ռազմական ինքնաթիռով նրան հասցրել են Մոսկվա, որտեղ բուժվել է վերադարձել է Ադրբեջան:

Դեկտեմբերի 7-ի երկրաշարժը ցնցել էր ողջ աշխարհը: Հայաստանը օգնություն էր ստանում ինչպես արտերկրից, այդ թվում՝ Սփյուռքից, այնպես էլ նախկին ԽՍՀՄ հանրապետություններից, այդ թվում՝ Ադրբեջանից: Գիշտ է, դարբադյան խնդիրն արդեն ջրբաժան էր գծել հայերի և ադրբեջանցիների միջև, տեղի էր ունեցել Սունգայիթի ջարդը, սակայն Հայաստանն ու Ադրբեջանը դեռևս գտնվում էին և մինչև 1991 թ. գտնվելու էին ԽՍՀՄ կազմում: Աղետի օրերին Հայաստանում հավաքվեց

ԽՍՀՄ ղեկավարությունը, որոնց մեջ էր նաև Ադրբեջանի առաջնորդ Աբդուռահման Վեզիրովը: Գիշտ է նաև, որ երկրաշարժի առիթով Հայաստանի ժողովրդին և ղեկավարությանը ցավակցություն հղեց Ադրբեջանի կառավարությունը: Ավելին, հորհրդային Հայաստանի կառավարությունը շնորհակալական դիպլոմի արժանացրեց նաև Ադրբեջանից եկած փրկարարներին (խումբը ղեկավարում էր Էմիլ Ախունդովը), ովքեր հաստատվել էին Գյումրիի մերձակա Դարիբեջանյան գյուղում և հիմնականում օգնում էին Ամասիայի շրջանի գյուղերին: Ամասիայի շրջանը ավելի քան 70 տոկոսով ադրբեջանաբնակ էր:

Իրականում Ադրբեջանի օգնությունը Գյումրիի երկրաշարժին եղել է խիստ սահմանափակ երկու հիմնական պատճառով: Առաջին, ինչպես նշեցի, հայ-ադրբեջանական հակամարտությունն արդեն սկսվել էր, երկրաշարժի օրերին Բաքվից Երևան էին հասնում զննարկ վագոններ, որոնց վրա մեծ տառերով հայ ժողովուրդը երկրաշարժի առիթով շնորհավորանքներ էր ստանում: Այսօր էլ որոշ ադրբեջանցիներ համարձակվում են բարձրաձայնել, որ ամաչում են իրենց հայրենակից-

ների այդ արարքի համար: Երկրաշարժից հետո Ադրբեջանի տարածքում թալանվում էին այն զննարկները, որոնք օգնություն էին բերում աղետյալներին ԽՍՀՄ գանազան քաղաքներից: ԽՍՀՄ տարիներին Հայաստանի ապրանքաշրջանառության շուրջ 85 տոկոսն իրականացվում էր Մախաչկալա (Դաղստան)-Բաքու-Նախիջևան-Երևան երկաթուղով:

Երկրաշարժից տուժածներին օգնության նպատակով Ադրբեջանից առաջին ինքնաթիռը Գյումրիի օդանավակայանում վայրէջք է կատարել դեկտեմբերի 9-ի առավոտյան: Այսօր ադրբեջանական քարոզչությունը, խեղաթյուրելով իրականությունը, կեղծ լուրեր է տարածում, թե իբր այդ օդանավը վայրէջքից հետո 11 ժամ պահվել է Գյումրիի օդանավակայանում, հայերը օգնության եկած ադրբեջանցի փրկարարներին անգամ ջուր չեն տվել: Ամբարշտական կեղծիքները դրանով չսահմանափակվեցին: Ֆիլմում ասվում էր, թե իբր ֆրանսիացի փրկարարները աղետի գոտում հայտնաբերել են ադրբեջանցի սպանված երեխաների, որոնց նախքան դեկտեմբերի 7-ը դաժանաբար սպանել էին հայերը:

Ադրբեջանական կողմն այսօր կրկին շրջանառության մեջ է դրել 1988 թ. դեկտեմբերի 11-ին կործանված Բաքու-Գյումրի օդանավի դեպքը՝ փորձելով հակակշռել և հավասարության նշան դնել 2014 թ. նոյեմբերին Արցախ-Ադրբեջան շփման գծին մոտ տարածքում խոցված հայկական ուղղաթիռի միջև: Բաքվում, հավանաբար, մտածում են այս եղանակով մեղմել միջազգային հանրության արձագանքը, որը, թեկուզ անուղղակի կերպով, դատապարտեց ադրբեջանական կողմի սադրիչ քայլը ուսումնավարժական թռիչք կատարող ուղղաթիռի խոցումը: ■

Թաթուլ ՀԱԿՈՒՅԱՆ
գրող, հրապարակախոս

ՀՀ կառավարությունը առաջարկում է փոփոխել «ՀՀ տոների և հիշատակի օրերի մասին» օրենքում փոփոխություն կատարելու մասին» օրենքը և տոնական ու ոչ աշխատանքային օրերի ցանկից հանել հունվարի 3-ը, 4-ը, 5-ը:

Այսինքն տարեվերջ-տարեկազմի Ծննդյան տոներին կունենանք չորս ոչ աշխատանքային օր. դեկտեմբերի 31, հունվարի 1, 2, 6:

Կառավարության դրական եզրակացություն ստացած նախագիծը կներկայացվի Ազգային ժողովին:

Կառավարության առաջարկի համաձայն փոփոխությունն ուժի մեջ կմտնի 2018-ի հունիսի 1-ից:

Կառավարությունում վստահ են, որ այս փոփոխությունը կնպաստի հայկական տոնացույցում միայն ավանդական հայկական տոների առկայությանը և պետական մակարդակով նշելուն և կապահովի պետության սոցիալ-տնտեսական և ֆինանսական համակարգերի նորմալ կենսագործունեությունը:

ՏՈՆ ՕՐԵՐԸ ԵՐԵՔՈՎ ԿՊԱԿԱՍԵՆ



Ըստ նախագծի հիմնավորման, մեծամուն լեզվաբան Հրաչյա Աճառյանը հավաստում է, որ «տոն»-ը բուն հայերեն բառ է և նշանակում է հասարակական հանդես,

հանդիսավոր օր: Հեռավոր անցյալում տոն է կոչվել աստվածներին մատուցած զոհը, զոհաբերվող կենդանին, որևէ հանդիսության նվիրված խնջույքը: Ժամանակների հետ տոնի իմաստը սեղմվել է, կայունացել և ստացել նշանավոր դեպքի կամ իրադարձության առիթով տեղի ունեցող հանդիսություն կամ հանդիսավոր օր իմաստը:

Հայաստանի Հանրապետությունում, համաձայն ՀՀ աշխատանքային օրենսգրքի 158-159-րդ հոդվածների, ամենամյա նվազագույն արձակուրդի տևողությունը 28 օրացուցային օր է՝ այդ ընթացքում պահպանվում է աշխատատեղը և վճարվում միջին աշխատավարձը: Գումարած 15 ոչ աշխատանքային օր՝ ազգային տոներ և հիշատակի օրեր, ստացվում է նվազագույնը 43 վճարվող հանգստյան օր տարեկան:

Աշխարհի ամենազարգացած երկրներից մեկում՝ Ամերիկայի Միացյալ Նահանգներում աշխատողներն ընդհանրապես չունեն

վճարվող արձակուրդ, եթե չհաշվենք ընդհանուր առմամբ մոտ 10 օր ոչ աշխատանքային ազգային տոները: Բրազիլիայում շարքային աշխատողները տարեկան ստանում են 30 օր վճարվող արձակուրդ՝ գումարած 11 ոչ աշխատանքային ազգային տոները, Մեծ Բրիտանիայում ազգային տոները կարող են ներառվել ընդհանուր վճարվող արձակուրդի օրերի մեջ: Լեհաստանում վճարվող արձակուրդի օրերի ընդհանուր թիվը հասնում է 26-ի, Ավստրիայում, Դանիայում, Ֆինլանդիայում, Ֆրանսիայում, Հունաստանում, Լյուքսեմբուրգում և Շվեդիայում դրանք 25-ն են: Ավստրիացիները նաև ունեն 13 տոնական օր, այնպես որ արձակուրդի ընդհանուր ժամկետը կազմում է 38 օր: Հնդկաստանում 12 օր (գումարած 28 տոնական օր), Չինաստանում՝ 10 օր (տոների հետ 21), Թայլանդում՝ 6 օր (ընդհանուր 22) և Ֆիլիպիններում՝ 5 օր (տոների հետ միասին՝ 20): ■



Հանդիպում, քննարկում

ՀՀ ԱԻՆ-ում կազմակերպվել է հանդիպում-քննարկում՝ նվիրված խոսքի և Արտավանի անտառներում տեղի ունեցած հրդեհների հետևանքների վերացմանը, որին մասնակցել է ԱՄՆ անտառային ծառայության հրդեհների գնահատման փորձագիտական խումբը: Ջենիֆեր Քրոֆթի գլխավորությամբ: Այցի նպատակն է աջակցություն ցուցաբերել անտառային հրդեհների հետևանքների վերացման գործին: Փորձագիտական խմբի ղեկավարին ընդունել է նախարար Դավիթ Տոնոյանը: Մամրամասները՝ mes.am-ում:

ՏԱՐԻՆ ՍԿԱԵԼ ՈՒ ԱՎԱՐՏԵԼ ՄԱՐԴԱԿԱՆՑ ՕԳՆԵԼՈՎ

Գուգարքի հրշեջ-փրկարարներն ամենուր են ու ամենահաս օրվա ցանկացած ժամին

«Չոկատը փորձաքիվ է, բայց հրար հասնող: Ուր էլ լինեն, երբ դեպքի վայր շտապող հրշեջ մեքենայի ազդանշանն են լսում, անձնական մեքենաներով արագ հասնում են գործընկերներին: Միշտ ասել են, որ 25 հրաջանակիր ունեն, մեկը մեկի կողքին կանգնած, պինդ, կոփված, առաջնագծում ծառայած տղաներ են և «Ապրիլյան քառօրյայի» ժամանակ էլ ջոկատս իմ գլխավորությամբ, մեկ մարդու պես ցուցակագրվել էր Արցախ մեկնելու»,- ջոկատով հպարտ Գուգարքի ՀՓՁ-ի հրամանատար, փ/ծ փոխգնդապետ Սեյրան Խաչատրյանն է անկեղծ գրույցի բովանդակում: 2014-ից է ստանձնել ջոկատի հրամանատարի պաշտոնը, իսկ մինչ այդ բավականին երկարու հարուստ աշխատանքային ճանապարհ է անցել: Արմատներով Լոռու Մարզ գյուղից է, 8-ամյա դարոցն ավարտելուց հետո տեղափոխվում է Թունանյան բանակում, որտեղ էլ ավարտում է Խ. Աբովյանի անվան միջնակարգ դպրոցը: Շուտով համալրում է պոլիտեխնիկական ինստիտուտի Կիրովականի մասնաճյուղի ուսանողության շարքերը, մասնագիտանում «Շինարարական մեքենաներ և սարքավորումներ» բաժնում: Առաջին աշխատանքային փորձը ձեռք է բերում Կիրովականի ճանապարհաշինարարական տեղամասում, այնուհետև տեխնասարքերի գործարանում՝ աշխատում որպես կոնստրուկտոր, բաժնի պետ, իսկ 1995-ից ընդունվում է ներքին գործերի նախարարության Վանաձորի հրշեջ բաժնի իբրև պարեկապահակային ծառայության տեսուչ: «1996-ին աշխատել են քրեական հետախուզության օպեր-լիազոր, 1998-ին ընդունվել ԵՊ նախարարության հրշեջ պահպանության վարչության Վանաձորի թիվ 21 ենթակա ռազմականացված հրշեջ մաս՝ որպես պահակախմբի պետ: 1999-2003 թթ. աշխատել են Վանաձորի թիվ 20 ինքնուրույն ռազմականացված հրշեջ մասում, 2004-ին Վանաձորի հրշեջ գործառնում ստանձնեցի կապի ծառայության պետի պաշտոնը, այնուհետև հրդեհային պետական տեսչության տեսուչի: Իսկ 2005-ին տեղափոխվեցի Լոռու մարզային փրկարարական վարչություն. աշխատել են որպես սպա, հրահանգիչ, ավագ հրահանգիչ, բնակչության պաշտպանության բաժնի պետ, մարզային ԵԿԿ-ի ավագ հրահանգիչ, իսկ 2014-ին նշանակվեցի Գուգարքի ՀՓՁ-ի հրամանատար»: Թեև ծառայել է առանց ակնկալիքների, բայց նվիրված ծառայությունը մշտապես գնահատվել է ինչպես ղեկավար կազմի, հասարակության, այնպես էլ մարզային ու տեղական իշխանությունների կողմից: Բազմաթիվ պատվոգրեր, շնորհակալագրեր ունի խնամքով պահած: Նա նաև պատվոգրի է արժանացել ՀՀ կրթության և գիտության նախարարության կողմից՝ մատաղ սերնդի դաստիարակության գործում ունեցած ավանդի համար, երբ հրահանգիչ աշխատելու ժամանակ



դպրոցներում վարժանքներ էր անցկացրել: 2017-ին ԱԻ նախարար Դավիթ Տոնոյանի հրամանով պարգևատրվել է մեդալով համակարգում 15 տարի անբասիր ծառայության համար: Բազմազբաղ փրկարար հոր գրաֆիկը չի խանգարել ընտանեկան ջերմ մթնոլորտում մեծացնելու և իրենց նպատակին հասցնելու երկու որդիներին՝ Դավիթին ու Անդրանիկին: «1988-ին ընտանիք կազմեցի, սկզբում վարձով էինք ապրում: Երկրաշարժից հետո մեզ համար մետաղի թիթեղներից տնակ շինեցինք ու տեղափոխվեցինք այնտեղ: Մութ տարիներին են ու մանկաբույժ կին՝ Մարինե Ղազարյանը, որն այժմ թիվ 3 պոլիկլինիկայի փոխտնօրենն է, երեխաներին տնակում մեծացրինք, հետո տեղափոխվեցինք հանրակացարան: Հարևանների հետ սիրով ապրում էինք տնակային թաղամասում, ծնողներս էին գյուղից օգնում: Այժմ սեփական բնակարան ունենք, տղաներս բարձրագույն կրթություն են ստացել: Անդրանիկը Վանաձորում ատամնարույժ է աշխատում, Դավիթը՝ Հայաստանի ծարտարագիտական համալսարանի Վանաձորի մասնաճյուղում է ավարտել, ամուսնացել է, կնոջ ու երկու տարեկան որդու՝ Սեյրան Խաչատրյանի հետ Ռուսաստանում է ապրում»,- տարիների հեռվից անցած ուղին է հիշում գրուցակիսու հպարտ մշում, որ անկախ ղեկավարություններից, որդիները ջերմությանը ու սիրով շրջապատված մանկություն են ունեցել, իրենք կատարել են ծնողական ամենակարևոր առաքելությունը՝ հասարակության համար պիտանի ու հայրենասեր որդիներ են մեծացրել: Գուգարք գյուղի երկհարկանի մասնաշենքում տեղակայված ջոկատը սպասարկում է շուրջ 15 հազար բնակչություն ունեցող 13 համայնք: Ամենահեռավոր անկյունը ջոկատից 31 կմ այն կողմ գտնվող Դսեղ գյուղն է: Համայնքներից կենցաղային կանգներ հազվադեպ են հնչում, այստեղ ավելի շատ դիմում են հրդեհների, ավտովթարների, որոնողափրկարարական աշխատանքների և այլ դեպքերում: Տարին հատկապես աչքի ընկավ հրդեհաշատ սեզոնով: Գուգարքի հրշեջ-փրկարարական ջոկատն ավելի քան 40 հրդեհների է արձագանքել սպասարկող համայնքներում: «Անտառներում չոր խոտածած-



կույթներ հանգցնելու համար մեր ամենահաս «Ռենո»-ով կարողանում էինք նույնիսկ ամենաբարդ տեղանքները մազլեցել: Մասնակցել ենք նաև Վանաձորի, Սպիտակի, Ստեփանավանի տարածքներում բռնկված հրդեհների մարմար: Ամենագնացը ոչ միայն մեր մարզում ու մարզից դուրս է վերելքներ ու վայրէջքներ հաղթահարել, այլև Կրաստանի Բորժոմի կիրճի անտառներում բռնկված մեծամասշտաբ հրդեհների ժամանակ: «Ռենոն» կարող է ցանկացած տեղից ջուր վերցնել, արագընթաց է, քիչ ծախսատար, ամենադժվար տեղանքներում գործը զուլիս բերող»,- ոգևորված պատմում են Գուգարքի ՀՓՁ-ի տղաները, որոնք 2014-ից ամենագնացը ստանալուց հետո բազմիցս են նմանատիպ դեպքերի արձագանքել: Տարեցտարի ջոկատը երիտասարդանում է, հին կարները հերթով վաստակած հանգստի են մեկնում, նրանց տեղը համալրվում է Գուգարքից, Վանաձորից և Թունանյանի տարածաշրջանից ջոկատ ընդունված երիտասարդ տղաներով: Վանաձորի Էդգար Գրիգորյանն ավարտել է ԵՊ մասնաճյուղի կառավարման պետական ակադեմիան «Հրդեհային պաշտպանություն» բաժնից: Հեռակա ուսուցման 3-րդ կուրսից՝ 2012-ի սեպտեմբերից, աշխատանքի է անցել: «Այլադեմիայում սովորելու տարիներին լավ հիմք էին դրել, փորձն էլ այստեղ ձեռք բերեցի: Առաջին լուրջ փորձությունս Փամբակ գյուղի անտառում բռնկված մեծ հրդեհն էր, առաջին հերթափոխում էի ծառայում: Փորձառուների հետ էի աշխատում դեպքի վայրում, կարողացանք մարել հրդեհը, կարևորը՝ ռիսկով էի կպել գործին»,- հիշում է փ/ծ սերժանտ Էդգարը և խոստովանում, որ ամեն դեպքից հետո սովորելու նոր բան է ունենում: Իր կոչումը պատվով կրող փրկարարը մտադիր է երկար տարիներ շարունակել ընտրած ճանապարհը: Ցանկացած լավ ավարտ ունեցող դեպքից հետո կրկին ու կրկին համոզվում է, որ իր ընտրությունը ճիշտ էր: «2014-ին Գուգարքի վարչական շրջանում երկհարկանի փայտե տուն էր հրդեհվել, ծնողները տանը չէին, 7-8 տարեկան երեխաների ենք փրկել կրակի ճիրաններից: Երկու հրդեհաշիջման արդյունքում էլ կարողացել ենք կամխել կրակի տարածումը դեպի հարևան քրթեցները: Լավ են գզում, երբ կարողա-

ՄԻԳՐԱՑԻՈՆ ՀՈՍՔԵՐԻ ԿԱՌԱՎԱՐՈՒՄ

ՀՀ ԱԻՆ-ում մշակվում է հնարավոր խոշոր աղետների կամ ռազմական գործողությունների հետևանքով առաջացած միգրացիոն հոսքերի կառավարման պլան: Այդ նպատակով ՀՀ ԱԻ նախարարի հրամանով ստեղծվել է աշխատանքային խումբ, որում ներգրավված են շահագրգիռ գերատեսչությունների, ինչպես նաև միջազգային կազմակերպությունների ներկայացուցիչներ:



Փաստաթղթի մշակումը նախատեսված է ՀՀ կառավարության 2017 թ. մարտի 23-ի նիստի թիվ 12 արձանագրային որոշմամբ հաստատված ՀՀ միգրացիայի քաղաքականության 2017-2021 թթ. ռազմավարության գործողությունների ծրագրում: Միգրացիոն հոսքերի կառավարման իրականացնելու համար անհրաժեշտ է կանոնակարգել պետական կառավարման և տեղական ինքնակառավարման մարմինների, կազմակերպությունների խնդիրները, գործողություններն ու դրանց իրականացման կարգը, նշվել է օրերս նախարարությունում կայացած քննարկմանը, որին մասնակցում էին ՀՀ կառավարման տարբեր պետական մարմինների պատասխանատու ներկայացուցիչներ: Պլանի մշակմամբ և ներդրմամբ կանոնակարգվելու են՝
- ՀՀ տարբեր գերատեսչությունների գործառնությունները սահմանային անցակետերում,
- միգրացիոն հոսքի կառավարմանն ուղղված գործողություններն ավելի արդյունավետ իրականացնելու նպատակով առկա օրենսդրական և ինստիտուցիոնալ համակարգերը,
- սահմանային անցակետերի ընթացակարգերն ու միգրացիոն ճամբարի ծավալումը,
- մարզի ղեկավար կազմի (համայնքի) գործառնությունները միգրացիոն հոսքի ՀՀ տարածք ներթափանցելու դեպքում:
Նշենք, որ ՀՀ ԱԻ նախարարությունը, ՄԱԿ-ի միգրացիայի միջազգային կազմակերպության հետ համագործակցության շրջանակներում, ինչպես նաև ներգրավվելով շահագրգիռ մարմինների ներկայացուցիչներին այս տարվա օգոստոսին Գոգավանի սահմանային անցակետում անցկացրել է «Խոշոր աղետի կամ ռազմական գործողությունների հետևանքով առաջացած միգրացիոն հոսքերի կառավարում» թեմայով վարժանք:



Արտակարգ ծառայություններ

Դեմ կամ կողմ լինելու հարց չկա, այլ՝ հասկանալու, ճանաչելու, ինչը համարում եմ մարդուն իսկապես արժանի միակ «զբաղմունքն» Այստեղ:

Ավագ եՓՐԵՍՅԱԼ

Եթե մտածում ես, ուրեմն՝ նաև ԿԱՍԿԱ-ԾՈՒԽ ԵՍ, ԿԱՐԿԱՍՈՒԽ: Չեմ ուզում ասել՝ մտածելը հենց կասկածելն է, փորձում եմ ուրիշ բան ասել. «կարկամ»-ը երկու կես եմ անում և ունենում եմ ԿԱՐ ու ԿԱՍ, որոնք արդեն, թեկուզև՝ ենթադիտակցության մեջ, ուրիշ նշանակություններ էլ եմ նշմարում: Բայց հանգիստ թողնեմ ենթադիտակցությանը...


Ինքն իրեն անպայման եվրոպակենտրոն քաղաքակրթության մեջ պատկերացնողի միտքը «կասկածելն ու կարկամելը» ակամա առնչում է նորկասկարանային հայտնի դրվագին. ապագա առաքյալը չի կարողանում քայլել ջրերի վրայով, և Ուսուցիչը հանդիմանում է նրան՝ ինչու՞ կասկածեցիր, անհավատ...
Պարզ տեսանելի է «հակասությունը», որ գոյություն ունի հավատալու և մտածելու միջև: Այդուհանդերձ, հիշյալ հակասությունը նախաառաջ հոգևոր ոլորտում գործող իրողություն է: Ասում ենք նախաառաջ, որովհետև իմանալու և գործելու ոլորտների միջև տարված սահմանները պայմանականություններ են, թեպետև՝ անհրաժեշտ պայմանականություններ: Այնքան անհրաժեշտ, որ դրանք ավելին են, ըստ երևույթին, քան իրականությունն ինքը, որը սկզբունքորեն անհամալի է, ու նաև այդ է պատճառը, որ իմանալին դարձյալ հենց պայմանականություններն են:

Վերևում ասացի՞նք՝ քաղաքակրթություն: Պատահական բառ չէ, դա ՄԻԱԿ ՄԻՋԱՎԱՅՐՆ է, ըստ երևույթին:

ԱՌԱՆՑ ԿԱՍԿԱԾԱՆՔԻ փաստելով, որ մարդը հոգևոր արարած է, ի տարբերություն մյուս արարածների, նույն պահին իսկ գլխի ես ընկնում, որ մարդկանց աշխարհը բնորոշելիս հակված ես գործածելու առավելապես «քաղաքակիրթ» բառը: Դա լավագույն դեպքում, որովհետև որոշակի պարբերականությամբ, պատմությունը վկա, մարդն իր «քաղաքակիրթ» բարքը մի անհասկանալի բնագործ փոխարինում է «բարբարոսությանը»:

(Գոնե փակագծերում հասցենք ասել, որ ԱՌԱՆՑ ԿԱՍԿԱԾԱՆՔԻ ՈՐԵՎԷ ԲԱՆ ՊԵՆԵՆ ԻՆՔՆԻՆ ԿԱՍԿԱԾԵԼԻ ԱՐԱՐՔ Է: Նույն փակագծերում էլ հիշենք, որ մարդուն համարում են ոչ միայն արարչության պակս, այլ նաև (այդպիսի տեքստեր ևս կան) գեներտիկական սխալի «արգասիք» (այս տեսակետից Նից-

ԱՇԽԱՐՀԻԿ ՄՈՒՈՐԱԿ - ԿԱՐԿԱՍ



շեի պնդումն ավելի ընդունելի է ու նույնիսկ լավատեսական. «Մարդը մի բան է, որը պիտի հաղթահարվի»: Համեմայն դեպս՝ լավ է, որ երկու հասկացություններն էլ ընդամենը ճանապարհի սկիզբ են նշում, և երբեք՝ վերջին հանգրվան - եթե այս անգամ էլ պայմանավորվենք, որ միշտ ժամանակ կա որևէ ճանապարհ անցնելու:)

Այսպիսով, Մեր Աշխարհն իր պատկերով դեմք ու դիմագծերով, անհիշելի ժամանակներից սկսած, Դրախտից հետո, գերակշիռ մասով քաղաքակրթության ծնունդ է:

Արդյունքը չափազանց աշխարհիկ մոլորակն է, իր թեպետ պոռթկումնավոր, բայց և աղոտ հիշեցումներով, որ Այլ Հնարավորություն, այնուամենայնիվ, Տրված է Եղել:

Մարդն արարվել է Ազատ Կամբով, մարդը կամովին Ընտրել է այն ճանապարհը, քաղաքակրթության ճանապարհը՝ դար առ դար Աշխարհիկացելով իր մոլորակը:

Ինչպե՞ս: Ես կարծում եմ, մասնավորաբար, Հոգևոր Հաստատությունները փոխարինելով աշխարհիկ հաստատություններով և Հավերժական ու Հիմնարար Արժեքները վերաարժեքներով:

Հիմնարար Արժեքները մարդուն տրված են մեկ անգամ և ընդմիշտ: Ժամանակի ու տարածության որոշակի հատվածում ի՞նչ և ինչու՞ է փորձում «վերաարժեքել» քաղաքակրթությունը: Մասնավոր՝ հաջողում էլ է: Քաղաքակրթությունը «կարողանում» է վե-

րաարժեքել, ասենք, Հավատարմությունը և ստանալ Դրա Հակառակն իբրև նոր արժեք... Եվ դա անհեթեթ չի լինում, որովհետև լինում է համատարած:

Մարդու՝ քաղաքակրթության կողմից արտոնված այս գործողությունները գրեթե միշտ կոչվել են Հեղափոխություն՝ զանգվածային (երբեմն՝ ոչ այնքան) և արյունոտ (երբեմն՝ ոչ այնքան) մի Միջոցառում, որը գրեթե միշտ հիմնավորվել է ինչ-ինչ գաղափար(ախտություն)ներով և միշտ ունեցել գրեթե նույն կարգախոսները:

Այնքան ու մինչև այնտեղ, որ Մշակույթն անգամ աշխարհիկանա, իբրև թե՛ հասու դառնա զանգվածներին:

Դեմ կամ կողմ լինելու հարց չկա, այլ՝ հասկանալու, ճանաչելու, ինչը համարում եմ մարդուն իսկապես արժանի միակ «զբաղմունքն» Այստեղ:

Ինչու՞ է Հոգից հեռանալը (քաղաք, ասել է՝ քաղաքակրթություն հիմնելու նպատակով) հեռացում Երկնքից նաև: Այդ ի՞նչ Ամբողջականություն է Քանդվում մարդու կենսագործունեության ընթացքում, որ բոլոր «լուսավոր ուղեղները» հանկարծ սկսում են քաղաքակրթության մարյանուտ կանխատեսել:

Ինչու՞ ոչ մի սահմանադրություն չի կարողանում դեմոկրատ դարձնել մարդուն, ինչու՞ դեմոսն ինքը չի ընդունում դեմոկրատիան:

Ինչու՞ մարդն իր առջև ծառայած հարցերի պատասխանները փնտրում է ոչ Այնտեղ,

ստույգ՝ երբևէ պատասխաններ չպարունակած լայնություններում, ավելի ստույգ՝ հորիզոնական փռվածքներում:

ԿԱՍԿԱԾՈՒ ՄՐՏԻ ՄԵՋ խրատ մի պնդում. նույն հարթության մեջ չեն կարող և՛ հարցեր առաջանալ, և՛ պատասխաններ ծնվել: Նույն տեղում հարցեր ու պատասխաններ մի կերպ գետեղելը մայր մտած քաղաքակրթության քրքրված տիկնիկին Նոր Ներկայացման մեջ զբաղեցնել կնշանակի: Նոր Ներկայացման բնորոշումը չունեն: Այդուհանդերձ, պատասխան ստանալու համար հարթությունը պետք է փոխել...

Տարիներ առաջ մի հարցազրույց կարդացի գրական հանդեսում: Խոսվում էր մեր ձեռագիր մատյանների վերականգնման (ռեստավրացիա) աշխատանքների մասին, բայց խոսքի ընդգրկումը շատ ավելի մեծ էր և կարելի էր այդ խոսքում երանգներ (հոծ գույներ ու գծեր) գտնել, որոնք առնչվում էին հենց Պատասխանների Հարթությանը, ինչի մասին ասացի արդեն:

Մասնագետը կամ Հասկացողը, որ այս դեպքում ավելի տեղին է, վստահեցնում էր, որ լավ հայտնի է, թե ծաղկած մատյանների մանրանկարները ստեղծելիս ինչ նյութեր են օգտագործել Վարպետները. այն մանրանկարները, որոնք այդպես էլ չեն խուճախում, որոնք անխաթար հասել են մեզ... ու քվարկում էր ներկատեսակները, սոխը, ոսկին... և ավելացնում. «Պիտեմք, բայց նույն նյութերն օգտագործելով՝ նույնպիսի նկարագրողումներ ոչ մի կերպ չենք կարողանում ստանալ»: Դրանց որակի՝ մասին էր ասում, դրանց երկարակեցության մասին էր ասում, ներազդելու կարողության մասին նաև...

Ու ինքն էլ եզրակացնում էր՝ մի բան, այնուամենայնիվ, պակասում է, մի գլխավոր, մի շատ կարևոր բան... Գուցե դա հավա՞տն է: Ասում էր...

Ամեն ինչ չէ, որ պետք է տողատակ տանել, մարդն իմացել էր, որ առանց հավատի, չես ուզում ասա՝ առանց հոգու, դա էլ չես ուզում ինքը բառ գտիր, ինքը հասկացիր ու ինքը ասա, որ կա մի բան, առանց որի որդան կարմիրը որդան կարմիր չէ, սոխը սոխ չէ, ոսկին անգամ ոսկի չէ:

Ի՞նչ եղավ. եղավ մո՞ւյլը՝ ինչու կասկածեցի՞ր, անհավա՞տ... Բայց հասկացանք նաև, որ սա աշխարհիկ մոլորակ է, այնպես չէ՞...

Ի՞նչ անել: Զրուցել, մտածել, հավատալ որոնման շարունակությանը: Գուցե: ■

ՀԱՅՏԱՏՈՒՐ

ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅՈՒՆ

ՀՀ կառավարության 2005 թվականի հունվարի 25-ի N224-Ն որոշում

ՀՀ արտակարգ իրավիճակների նախարարի 2016 թվականի մայիսի 6-ի N487-Ն հրամանի հավելված N 1

Հայաստանի Հանրապետության արտակարգ իրավիճակների նախարարության (այսուհետ՝ նախարարություն) կողմից տրվում է հայտարարություն «Հիդրոդերևութաբանության և մթնոլորտային երևույթների վրա ակտիվ ներգործության ծառայություն» պետական ոչ առևտրային կազմակերպության (այսուհետ՝ կազմակերպություն) տնօրենի թափուր պաշտոնում անձի ընտրության (նշանակման) համար:

Մրցույթը կանցկացվի 2018 թվականի փետրվարի 8-ին, ժամը

ՀՀ ԴՐՈՑՈՂԵՐԵՎՈՒԹՅԱՆ ԵՎ ՄԹՆՈՒՈՐՏՅՈՒՆ ԵՐԵՎՈՒՅՑՆԵՐԻ ՎՐԱ ԱԿՏԻՎ ՆԵՐԳՈՐԾՈՒԹՅԱՆ ԾԱՌԱՅՈՒԹՅՈՒՆ»

ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ՏՆՕՐԵՆԻ ԸՆՏՐՈՒԹՅԱՆ (ՆՇԱՆԱԿՄԱՆ) ՄՐՑՈՒՅԹ ԱՆՑԿԱՑՆԵԼՈՒ ՄԱՍԻՆ

10:00-ին, ք. Երևան, Դավիթաշեն, 4-րդ թաղամաս, Ա. Միկոյան 109/8, 2-րդ մասնաշենքի 2-րդ հարկում՝ Նախարարության խորհրդակցության սենյակում:

Հայաստանի Հանրապետության օրենսդրության համաձայն՝ Կազմակերպության տնօրենի պաշտոնում կարող է նշանակվել այն գործունակ չափահաս Հայաստանի Հանրապետության քաղաքացին, որը տիրապետում է գրական հայերենին, ունի բարձրագույն կրթություն, առնվազն մեկ օտար լեզվի իմացություն, ձեռնարկատիրական կամ կառավարման ոլորտի առնվազն երեք տարվա կամ առնվազն հինգ տարվա մասնագիտական աշխատանքային ստաժ, «Պետական ոչ առևտրային կազմակերպությունների մասին» ՀՀ օրենքով և Կազմակերպության կանոնադրությամբ նախատեսված աշխատանքային և մասնագիտական հմտու-

թյուններ, այդ թվում՝ Հայաստանի Հանրապետության Սահմանադրության, Հայաստանի Հանրապետության աշխատանքային օրենսգրքի, «Արտակարգ իրավիճակներում բնակչության պաշտպանության մասին», «Քաղաքացիական պաշտպանության մասին», «Պետական ոչ առևտրային կազմակերպությունների մասին», «Գնումների մասին», «Հարկերի մասին» «Բյուջետային համակարգի մասին» «Հաշվապահական հաշվառման մասին» Հայաստանի Հանրապետության օրենքների և իր պարտականությունների կատարման համար անհրաժեշտ իրավական ակտերի իմացություն, համակարգչով և ժամանակակից այլ տեխնիկական միջոցներով աշխատելու ունակություն:

Մրցույթին մասնակցելու համար հավակնորդները մինչև 2017 թվականի դեկտեմբերի 29-ը նախարարության աշխատակազմի անձնակազմի կառավարման վարչություն պետք է ներկայացնեն հետևյալ փաստաթղթերը՝
1) դիմում (անհրաժեշտ է նշել ՀՀ կառավարության 2005 թվականի հունվարի 25-ի N224-Ն որոշման հավելված N 1-ի 8-րդ կետում նշված պայմանները),
2) մեկ լուսանկար՝ 3x4 չափի,
3) քաղվածք՝ աշխատանքային գրքուկից,
4) ինքնակենսագրություն,
5) անձնագրի, բարձրագույն կրթության դիպլոմի (արական սեռի անձինք՝ նաև զինգրքույկի կամ դրան փոխարինող ժամանակավոր զորակոչային տեղամասին կցագրման վկայականի) պատճենները,
6) կադրերի հաշվառման թերթիկ (լրացված),
7) տեղեկանք՝ մշտական բնակության վայրից,

8) իրատարակված հողվածների ցանկ կամ գիտության կոչումը հավաստող փաստաթուղթ (դրանց առկայության դեպքում),

9) բնութագիր՝ վերջին աշխատավայրից (եթե կազմակերպությունը չի լուծարվել):

Քաղաքացին փաստաթղթերը ներկայացնում է անձամբ՝ անձնագրով կամ անձը հաստատող փաստաթղթով:

Լրացուցիչ տեղեկությունների, ինչպես նաև մրցույթի այլ մանրամասներին տեղեկանալու համար ցանկացողները կարող են դիմել Նախարարության աշխատակազմի անձնակազմի կառավարման վարչություն կամ զանգահարել հետևյալ հեռախոսահամարներով՝ **+374 12 317865, +374 12 317830:**

Հասցե՝ ք. Երևան, Դավիթաշեն, 4-րդ թաղամաս, Ա. Միկոյան 109/8 Վեբ կայք՝ <http://www.mes.am>



Դու ուզում ես հարցնել, թե ի՞նչ է կյանքը: Ավելի լավ է հարցրու՝ ի՞նչ է զագարը: Գագարը գագար է, և դրա մասին ուրիշ ոչինչ հայտնի չէ:

«911.Արտակարգ թերթի» սիրելի ընթերցող, այս հոդվածով ամփոփում ենք այս տարվա մի շարք համարներում ձեր ուշադրությանը ներկայացված Հայաստանի պատմական երկրաշարժերի մասին պատմող հոդվածաշարի հրատարակումները՝ ներկայացնելով միջնադարյան Հայաստանի վերջին հզոր իշխանական տան՝ Մելիք-Շահնագարյանների տիրույթները հանդիսացած Սոթք գավառում վերջին տարիներին իրականացված հնագիտական և երկրաբանական ուսումնասիրությունների արդյունքում նոր լույսի ներքո ներկայացող տարածաշրջանի անցյալի պատմությունը:

Սոթք գյուղը (և համանուն լեռնադաշտը) գտնվում է Գեղարքունիքի մարզի հարավարևելյան հատվածում, որտեղ հնագիտական լայնածավալ ուսումնասիրություններ է կատարում ՀՀ ԳԱԱ հնագիտական-երկրաբանական արշավախումբը: Բարեբեր դաշտավայրը, ռազմավարական կարևոր դիրքը և Մերձավոր Արևելքի ամենամեծ ոսկու հանքի առկայությունը կամայական է են բնակավայրի տարածաշրջանային կենտրոն լինելու հանգամանքը հնագույն ժամանակներից մինչև միջնադար: Այդ մասին հաղորդում են ինչպես վիճագրի սկզբնաղբյուրներն ու մատենագրական տեղեկությունները բնակավայրի անցյալի պատմության վերաբերյալ, այլև հնագիտական պեղումների և երկրաբանական ուսումնասիրությունների արդյունքներով ձեռք բերված տվյալները:

Ուսումնասիրությունները ցույց են տալիս, որ բնակավայրը շարունակաբար բնակեցված է եղել սկսած մ.թ.ա. 3-րդ հազարամյակից: Սոթքի զարգացմանը մեծապես նպաստել են ոսկու հարուստ պաշարները, որն արտահանվում էր Միջագետք դեռևս շումերների ժամանակներում: Ուրարտական սեպագրերում տարածաշրջանը «Ուշկիանի» անունով է հիշատակվում, որն հնչյունափոխված «Ոսկեշեն» ձևով շարունակվել է կիրառվել մինչև ուշ միջնադար և ուղղակիորեն կապված էր ոսկու արդյունահանման հանգամանքի հետ: Հայտնաբերվել են բազմաթիվ հանքահորեր, որոնք շահագործվել են հնագույն ժամանակներում: Սոթքը շարունակաբար եղել է

Ծավղեից իշխանների, ապա Առանշահիկների և Դուխյանների տիրույթներում: 16-րդ դարում Սոթքը դառնում է Մելիք-Շահնագարյանների իշխանանիստ ավանը, ովքեր ժամանակի ամենազդեցիկ տոհմն էին և կրում էին Արարատյան մելիքների գահերեց տիտղոսը: Հզորացած Մելիք-Շահնագարյանների տոհմաճյուղերը 17-րդ դարում հաստատվում են նաև Գանձակում և Արցախում՝ հիմք դնելով Ոսկանապատի ու Վարանդայի մելիքություններին:

Սոթքը, հանդիսանալով Ռմբոստյան կիրճով Արցախ մտնող կարևորագույն լեռնանցք բարձրացող ճանապարհի վերջին բնակավայրը, ռազմավարական հանգրվան է եղել միջնադարյան Դվին-Պարտավ առևտրական ճանապարհին: «Սոթք-1» պայմանական անունը ստացած վաղմիջնադարյան ամրոցի պեղումները ցույց տվեցին, որ այն ունեցել է այդ ճանապարհը վերահսկող ֆունկցիա և մոտակա «Նորարակ-1» ամրոցի հետ կազմել Սևանի հարավարևելյան ավազանի պաշտպանությունն իրականացնող ամրաշինական համակարգի մի օղակը:

Արշավախումբը հայտնաբերեց նաև այդ ճանապարհին գտնվող և միջնադարյան արաբ աշխարհագիրների կողմից հիշատակված Ջաուֆուս քարավանատունը՝ կիսավեր վիճակում, որի պեղումները նախատեսվում են առաջիկայում:

Ցավոք, մեր օրեր չեն հասել Սոթքի երբեմնի իշխանական պալատները, և անցյալի կառույցներից միայն Ս. Աստվածածին եկեղեցին է, որ կանգուն է այժմ: Եկեղեցին ունի շինարարական մի քանի հորիզոն-

ՀՆԱԳԻՏԱԿԱՆ ՈՒՍՈՒՄՆԱԿԱՍԻՐՈՒԹՅՈՒՆՆԵՐ ՍՈՐՔՈՒՄ



հայտ կբերեն այս, նաև այլ երկրաշարժերի հետևանքների վերաբերյալ, որոնք պատահել են Սոթքի տարածաշրջանում պատմության անհիշելի ժամանակներից սկսած:

Ավետիս ԳՐԻԳՈՐՅԱՆ
«ՍՊԱՐՄԾ» ՊՈԱԿ-ի ԲՏԱԿ-ի առաջին կարգի մասնագետ, ՀՀ ԳԱԱ Հնագիտության և ազգագրության ինստիտուտի հայցորդ

Չեխ. կողմից. «911.Արտակարգ թերթի» մի շարք համարներում «Վիճագրություն և երկրաշարժեր» խորագիրը կրող հոդվածաշարի հրատարակության ընթացքին աջակցելու և օգտակար քննադատությունների համար իմ խորին երախտագիտությունն են հայտնում թերթի գլխավոր խմբագիր Գագիկ Եղյանին, ՀՀ արտակարգ իրավիճակների նախարարի խորհրդակցական Հրաչ Պետրոսյանին և «ՍՊԱՐՄԾ» ՊՈԱԿ-ի գործադիր տնօրեն Սոս Սարգսյանին:

ներ, որոնցից ամենակարևոր հիմնադրույթները կատարվել է 1276 թվականին՝ համաձայն հարավային պատին գտնվող արձանագրության: Թեև մինչ օրս չունենք վիճագրական կամ մատենագրական որևէ տվյալ՝ երկրաշարժերի հետևանքով Սոթքում տեղի ունեցած վնասների վերաբերյալ, սակայն պետք է ենթադրել, որ գյուղը ընկած է եղել Գանձակի 1139 թ. 10-բալանոց ու-

ժեղ երկրաշարժի ավերածության գոտում՝ պայմանավորված էպիկենտրոնի՝ գյուղին չափազանց մոտ գտնվելու հանգամանքով: Եկեղեցու եթե ոչ այս, ապա այլ նորոգումներից մեկը, անպայմանորեն, պիտի կատարված լինի այս երկրաշարժի հետևանքներով պայմանավորված: Հուսանք, որ առաջիկա տարիներին նախատեսված ուսումնասիրությունները նոր տվյալներ ի

ԲԱՐԻ ԵՐԹ, ԵՐԳԱՆԱԿԱՐՏ

34 շրջանավարտ՝ մագիստրոսի կրթական ծրագրով



ՀՀ ԱՒՆ ճգնաժամային կառավարման պետական ակադեմիան մագիստրոսի կրթական ծրագրի երկու մասնագիտության գծով՝ «Փրկարարական գործ» և «Ճգնաժամային կառավարում», տվեց 34 շրջանավարտ, ովքեր ձեռք են բերել արտակարգ իրավիճակներում գործելու մասնագիտական գիտելիքներ, հմտություններ ու կարո-

ղություններ: ԵՎՊԱ-ն մագիստրոսի որոկավորմամբ շրջանավարտ առաջին անգամ տվել է 2009 թվականին, սա 9-րդ անգամն էր: 34 շրջանավարտից 23-ն աշխատում են ՀՀ ԱՒՆ տարբեր ստորաբաժանումներում, 2-ը՝ ՄԱԿ-ի զարգացման ծրագրերում, 7-ը՝ ՀՀ այլ ուժային կառույցներում և տարբեր կազմակերպություններում:



Ամփոփիչ ատեստավորման հանձնաժողովը ղեկավարում էր ԱՒՆ փրկարար ծառայության տնօրենի տեղակալ, փ/ծ զեներալ-մայոր Վրեժ Գաբրիելյանը, անդամներն էին ՀՀ ԱՒՆ աշխատակազմի ղեկավարի տեղակալ, տնտեսագիտության թեկնածու, դոցենտ Վահագն Օհանյանը, ակադեմիայի ղեկավար, փ/ծ զեներալ-մայոր Համ-

լետ Մաթևոսյանը, նախարարության և ակադեմիայի այլ մասնագետներ: Երջանավարտները խոստացան իրենց գործունեությամբ ու աշխատանքով ապացուցել ակադեմիայի տված գիտելիքների և մագիստրոսի աստիճանի արդյունավետությունը: «Համոզված ենք, որ մագիստրոսի դիպլոմը սկիզբ կդառնա մի նոր



հաղթական ճանապարհի, որտեղ անհրաժեշտ կլինի կիրառել ստացված ինչպես տեսական, այնպես էլ գործնական գիտելիքները: Ցանկանում ենք, որ իրականացան ակադեմիայի շրջանավարտների բոլոր երազանքներն ու խաղաղ լինի նրանց ուղին», - մեզ հետ զրույցում ասաց ճգնաժամային կառավարման պետական ակադեմիայի գիտական աշխատանքների գծով պրոռեկտոր Հայկանուխտ Դարիջանը: Բարի երթ, շրջանավարտ, հաջողությունը քեզ միշտ ուղեկից: ■



Համբերանքի շիրուխը

Է՛հ, ծերացանք, ըսել է՝ եկանք հասանք ծերին: Ամեն բանի ծերին, կյանքի ծերին, աշխարհի ծերին... Վնաս չունի: Մեկ խնդրանք ունիմ - քանի որչ են, ոտ ու ձեռնով մնամ, գետնին գերի չըլնիմ, աշխատեմ, ու էստեղ, ջաղացիս դուռը մտատած, համբերանքի չիբուխս քաշեմ, ու ամեն օր լսեմ բարի, ուրախ լուրեր աշխարհիս չորս դիերից, ամեն կողմերից: Էլ ուրիշ բան չեմ ուզի...

ԱՎԵՏԻՔ ԻՍԱՀԱԿՅԱՆ

Այս ամիս
ինչպես ու է

Օգնում են փրկարարները

Արգելափակումից դուրս է բերվել 15 ավտոմեքենա

Անցած յոթ օրում ՀՀ արտակարգ իրավիճակների նախարարության փրկարար ծառայության ստորաբաժանումները արտակարգ իրավիճակների վերաբերյալ ավելի քան 250 ահազանգի են արձագանքել: Շատ դեպքերում փրկարարները դեպքի վայր մեկնելուն զուգահեռ տեղեկությունը փոխանցել են այլ ծառայության. շտապօգնություն, «Վեոլիա Ջուր», էլջանց, գազի վթարային ծառայություն, կանաչապատման, սանմաքրման ծառայություն, ոստիկանություն և այլն:

Գրանցվել է 40 հրդեհ. այրվել են տան գույք, շինությունների փայտյա կառուցատարրեր, շինանյութ, անասնակեր, բուսածածկ տարածքներ, ջերմահարվել են պտղատու և դեկորատիվ ծառեր: Փակ դուռ բացելու վերաբերյալ էլ 60 կանչ է ստացվել: Վատառողջ, ծանրաքաշ, սակավաշարժ քաղաքացուն բնակարանից իջեցնելու, բնակարան բարձրացնելու կամ բնակարանում տեղից տեղ տեղափոխելու կանչեր են սպասարկել Երևանի Կենտրոն, Նոր Նորք, Քանաքեռ-Զեյթուն վարչական շրջանների փրկարարները: Տարբեր վայրերում արգելափակված (դիտահոր, վերելակի հորան, նկուղ, տանիք, շենքի օդատար-ծխատար, մեքենայի շարժիչի տակ և այլն) մի շարք կենդանիներ են ազատվել: Տարբեր տարածքներում արգելափակված մի շարք մեքենաներ են դուրս բերվել երթուղիների հատված:

Այլ կանչեր. Երեբունու փրկարարներն ահազանգ են ստացել, թե Նուբարաշենի թշնամարտական ֆարիկայի մոտակայքում



քաղաքացին ընկել է ձորը, ոտքերը սառած են, չի կարողանում ինքնուրույն բարձրանալ: Հրշեջ-փրկարարները տղամարդուն հանել են ձորից, նա շտապօգնության մեքենայով ուղևորվել է հիվանդանոց, սակայն ռուպեներ անց բժիշկները ահազանգել են, թե շտապօգնության ավտոմեքենան արգելափակվել է ցեխակույտի մեջ: Հրշեջ-փրկարարներն արգելափակումից դուրս են բերել ավտոմեքենան: Քանաքեռ-Զեյթունի փրկարարներն ահազանգ են ստացել, թե Հաղթանակի գրոսայգու «Մայր-Հայաստան» հուշահամալիրի մոտակայքում թռչող սարքը արգելափակվել է ծառի ճյուղերի արանքում: Հրշեջ-փրկարարները սարքն իջեցրել են ծառից:

Գեղարքունիքի փրկարարներն ահազանգ են ստացել, թե Սոթք-Քարվաճառ ճանապարհին մեքենաներ են արգելափակվել: Ութ ժամում հրշեջ-փրկարարներն արգելափակումից դուրս են բերել 15 ավտոմեքենա (50 ուղևորով) և շուրջօրյա հերթապահություն սահմանել:

Նույնների խոշոր հրդեհները



2017 թվականի նույններին ՀՀ ԱԻՆ Պետական հրդեհային և տեխնիկական անվտանգության տեսչությունում հաշվառվել է 101 հրդեհ՝ 66 միլիոն դրամի նյութական վնասով, վնասվածք է ստացել 5 մարդ:

խոշոր հրդեհներից են՝

1. 1 նույնների, Կոտայքի մարզ, գյուղ Արամուս, 1-ին փողոց, թիվ 12, 14, 16 տներ: Նյութական վնասը՝ 2 650 000 դրամ: Հրդեհի առաջացման պատճառը՝ վառարանի տեղակայման կանոնների խախտում:
2. 5 նույնների, Գեղարքունիքի մարզ, գյուղ Վազաշեն, 28 փողոց, թիվ 10 տուն: Նյութական վնասը՝ 1 682 000 դրամ: Հրդեհի առաջացման պատճառը՝ երեխայի խաղը կրակի հետ:

3. 12 նույնների, Սյունիքի մարզ, Քաջարան-Կապան ավտոմայրուղի, «Օպել» մակնիշի ավտոմեքենա: Նյութական վնասը՝ 1 300 000 դրամ: Հրդեհի առաջացման պատճառը՝ վառելիքի արտահոսք:

2. 14 նույններ, Արմավիրի մարզ, գյուղ Նորակերտ, Բաղրամյան փողոց, թիվ 25 տուն: Նյութական վնասը՝ 2 000 000 դրամ: Հրդեհի առաջացման պատճառը՝ էլեկտրահաղորդալարերի կարճ միացում:

5. 19 նույնների, Տավուշի մարզ, գյուղ Աջաջուր, խտտի դեզ: Նյութական վնասը՝ 1 600 000 դրամ: Հրդեհի առաջացման պատճառը պարզաբանվում է:

Պետական հրդեհային և տեխնիկական անվտանգության տեսչություն

Իմացիր և օգնիր

ԱՌԱՋԻՆ ՕԳՆՈՒԹՅՈՒՆ

Այրվածքներ. վարակի ներթափանցման կանխում

Վարակի ներթափանցումը կանխելու կամ նվազեցնելու նպատակով ծածկեք այրված մակերեսը ստերիլ անձեռնոցիկով կամ մաքուր գործվածքով և թույլ վիրակապեք: Եթե այրվածքն ընդգրկում է մեծ մակերես (մարմնի 10%-ից ավելին), ապա ծածկեք այն մաքուր չոր սավանով կամ մազախավ չունեցող այլ գործվածքով: Այրվածքների դեպքում մի օգտագործեք կարագ, յուղ կամ այլ միջոցներ: Դրանք կարող են վարակի աղբյուր դառնալ: Բացի դրանից, դրանք այրված մակերեսին քսելիս, դուք կարող եք վնասել բշտերը: Հնարավորության դեպքում տեղադրեք չոր ստերիլ անձեռնոցիկ և ամրացրեք կաշուն սպեղանիների կամ թույլ վիրակապի միջոցով:

Մի բացեք և մի վնասեք բշտերը, հակառակ դեպքում կտրուկ կմեծանա վարակի ներթափանցման վտանգը: Այրվածքը մշակելու ժամանակ մի շնչեք այրվածքի վրա և



մի դիպեք նրան: Թեթև, մակերեսային և ոչ տարածուն այրվածքները, որոնք չեն պահանջում բժշկական միջամտություն, մշակվում են վերքերի նման: Լվացեք այրված մակերեսը հոսող ջրի տակ և այն պահեք մաքուր: Այս դեպքերում կարելի է օգտագործել հատուկ հակաայրվածքային քսուքներ: Ուշադիր եղեք և հետևեք վարակի ներթափանցման հետևանքով զարգացող նշաններին:

Աշխարհում 17 մլն երեխա աղտոտ օդ է շնչում

ՄԱԿ-ի մանկական հիմնադրամը UNICEF, հրապարակել է «Վտանգ օդում. ինչպես է օդի աղտոտվածությունն ազդում փոքր երեխաների մտավոր զարգացման վրա» գեկույցը: Ըստ փաստաթղթի, աշխարհում 17 միլիոն միլիարդ մեկ տարեկան երեխա շնչում է օդ, որի աղտոտվածությունը վեց անգամ գերազանցում է միջազգային ընդունված չափանիշը: Այս 17-ից 12 մլնն ապրում է Հվ. Աֆրիկայում:

Ձեկույցի հեղինակները նշում են, որ օդի աղտոտվածությունը ոչ միայն բնապահպանական արտակարգ իրավիճակներ է ծնում, այլև դառնում է երեխաների տարատեսակ հիվանդությունների պատճառ՝ նյարդային, ուռուցքային և այլն:

Հաստատվել է աղտոտված օդ շնչելու և մտավոր զարգացման կապը: Անգամ եթե հոյ կինն է աղտոտ օդ շնչում, նրա ապագա բալիկի մտավոր մակարդակը չորս անգամ ցածր է լինում հասակակիցների մտավոր մակարդակից:

Ձեկույցի համաձայն աղտոտ օդային միջավայրում ապրող երեխաներ ամենաշատը Հարավային Աֆրիկայում են՝ 1



մլն երեխայից միջինը՝ 33,1 երեխա: Ամենաքիչը՝ Հս. Ամերիկայում՝ մեկ մլնից՝ 3,3 երեխա: Հայաստանը գեկույցի Արևելյան Եվրոպա-ԱՊՀ բաժնում է: Այս տարածաշրջաններում 1 մլն երեխայից 6,1 երեխա ապրում է աղտոտված օդով բնակավայրերում: